

古今楹聯類纂

增慶弔雜件有覽

武進唐駝署

下

慶吊雜件備覽卷下

吊唁類

訃聞式

不孝某某等侍奉無狀痛遭

先

考某某府君
妣某某太君

慟於中華民國某年某月某日(即陰曆某年某月某日)孫某某拭淚頓首

距生於前清某某年某月某日享壽幾歲不孝等親視孫某某拭淚頓首

聞戚世友誼哀此訃

聞

謹擇於陽曆某月某日領帖

孤子某某姓某某泣血稽顙

齊期孫某某泣稽首

齊哀五月曾孫某某泣稽首

期服姪某某拭淚頓首

功服姪某某拭淚頓首

總服姪孫某某拭淚頓首

袒免姪孫某某拭淚頓首

又式

不孝承重孫某某等侍奉無狀痛遭

先祖

考某某府君妣某太君

慟於中華民國某年某月某日(即陰曆千支年某月某日)詎生於

前清某某年某月某日享壽幾歲

不孝某某供職服務

某地某某業聞訃匍匐奔喪

不孝某某

等親視含殮先後遵禮成服茲擇於某月某日(即陰曆某月某日)

家奠

恭執靈輓安葬於某山某原

叨在

世續誼哀此訃

聞

承重孫 某姓某某

泣血稽顙

哀子

某某

泣血稽顙

(餘列名同前)

又喪妻訃式

門祚哀薄震及

室人某孀不幸於某年某月某日

壽終

內寢詎生於某年某月某日

享壽

幾歲率

子某某等親視含殮遵禮成服叨在

謹此訃

聞

不救期生某姓某名拭淚頓首

哀子 某某 泣血稽顙

降服子 某某 泣稽首

護喪功服夫兄某某拭淚頓首

遲奠告窆式葬在除服以後

謹筵於陰曆某月某日恭扶

先考某某府君靈櫬合安葬於某鄉某山先於某月某日某時由某處發引叨在

誼謹此告窆以

聞

某月某日領帖

治葬子 某姓某某 鞠躬

孫 某某 鞠躬

說明

一父死曰孤子母死曰哀子父母俱死曰孤哀子惟有繼母在堂者無論為正室

或繼室之子俱稱孤哀子。但一則註明繼慈命稱哀。一則註明慈命稱哀。

一長子早卒。長子之長子為承重孫。凡出嗣於人。對於本生父母。稱降服子。

一男死曰壽終。正寢。女曰內寢。如死者有尊親在堂。曰卒於寢室。又男女年壽高者曰壽終。曰享年。中年以下者曰疾終。曰存年。死者或在外。則於正寢內寢上加書某地寓所。死於官者曰任所。

一親死子在外者。曰聞訃。匍匐奔喪。在家則直稱親視含殮。如死者在外子隨侍者。則稱隨侍在側。親視含殮。子在家者。則稱聞訃。星夜奔喪。扶柩回籍。

一戚世友鄉寅等字宜紅色。又喪事謝單。具名與訃同。上端書謹領厚賻。或寫明禮

物告靈泣謝。

成服祭文

維

中華民國某年某月某日。不孝某某等。謹具牲醴時羞之奠。泣告於我

先考某某府君之靈位前曰。烏乎。昊天不弔。降此鞠凶。哀我人斯。無

父何恃。溯我

母平生。持躬以儉。處事雖勤。數十年如一日。此處應節敘事實及兒女生育婚

嫁嗚呼我

母之瘠口噤音劬勞不已而未嘗少自暇逸者徒為不孝等耳。不孝承我

母教養粗能自立。如諸子俱有職業則各執其職業如有未成年者則云不孝某尚幼不孝某承我父教養云云方冀少盡菽水之

歡報罔極於萬一況我

母精神矍鑠體素康強正謂宜獲大年而享遐福而孰知二豎為災一病不起竟棄

不孝等而長逝乎。木欲靜而風不止子欲養而親不留嗚呼痛哉嗚呼悲哉我

母嘗有言曰人生斯世不能有益於人當思安分守己無論士農工商但各盡其職

務不為家之敗子國之莠民而已嗚呼何其言淺而意深耶。不孝等愚昧無知每恨

未能繼志莫慰我

母之心。今者言猶在耳而色笑已非能不痛哉能不悲哉嗚呼呼天搶地嗟何及矣

仰首哀鳴伏維尚

饗

發引祭文

維年月日。不孝某某等謹以清酌庶羞之奠致祭於

先考某某府君之靈位前曰嗚呼我

某某太君

父之棄不孝等而長逝也。已數月於茲矣。豈不願以苦塊餘生。哀麻哭泣。常傍我

父之靈而稍伸孺慕也。寧甘淪我

父之遺體於泉壤中乎。既而思我

父嘗慘然謂不孝等曰。余每過戚家。見有柩而殯殯而不葬者。詢之曰。兆未卜也。或

曰。力未逮也。聞之禮士踰月而葬。最遲不過三月。況親死不葬。莫安先靈。罪更有甚

於違禮者乎。不孝當時疑之而不敢詰。由今思之。所謂親死不葬之罪。有如水火盜

賊風雨剝蝕之種種可慮也。不孝自我

父屬續以後。無日不以寃寃未安為憂。無如心與地違。事難猝就。忽忽以至於今日。

有違親命多矣。不孝之罪。不容誅矣。茲當發引之期。用獻生芻之束。推心泣血。維有

哀號。嗚呼痛哉。尚

饗

此文以死後始營葬者為宜。如生前已營生塋。則更有甚於違禮者乎。以下接因
屬不孝。預營生塋於某鄉某山。不孝方疑我。○歐之汲汲于斯。而不知遽有今日
也。嗚呼痛哉。嗚呼悲哉。不孝不敢違禮。以重罪戾。矧我。○歐
之言猶在耳乎。忍痛扶靈。將安寃寃。茲當發引之期。云云。

遞哭發引文 起處同上

嗚呼我

父母之棄養也。已數載於茲矣。不孝等每以寔室未安為憂。而心與地違。事難猝就。遂遷延以至於今日。不孝之罪。不容誅矣。憶我

父母嘗有言曰。余每過戚家。見有柩而不殯。殯而不葬者。詢之曰。兆未卜也。或曰。力未逮也。聞之禮士。踰月而葬。最遲不過三月。况親死不葬。莫安先靈。罪更有甚於違禮者乎。不孝等每念及此。背如芒刺。寢饋難安。今者某某之鄉。有某某山原焉。卜云其吉。乃營宅兆。庶安寔室。我

父母在天之靈。其亦鑒不孝等而原之也耶。茲當發引之期。仰首哀鳴。伏維尚饗。

門祭文

起處同上。惟靈位改靈輅。

嗚呼痛哉。人無

父母而何恃兮。心恍惚而神癡。思天高而地厚兮。問報答於何時。扶靈輅以出門兮。張帳兮其何之。悲我生之不辰兮。詎同木石之無知。我

父母之言猶在耳兮。敢將信而將疑。魂兮魄兮。凝聚無期。天兮地兮。呼搶無裨。懽懽達引兮。極目天涯。天日無光兮。祖道淒其。泥首哀鳴兮。乃愴極而聲嘶。肴饌具陳兮。靈其鑒茲。尚饗。

告窆祭文

起處與門祭同

嗚呼。周家尼父。傷心於防墓之廟。宋代歐陽。隕涕於瀧岡之表。他如馮蕭廬墓。王裒泣墳。古人於未葬之先。瑩每餘哀其未已。小子況新遭乎大故。如遇葬此五字。改入稽手安厝。更抱恨其何窮。茲者兆卜牛眠。封崇馬鬣。庶幾吉壤。或慰先靈。嗚呼。音容已杳。色笑長違。未能盡禮於事生。空撫棺而慟哭。惟是致極於送死。徒臨穴而徬徨。悲莫悲兮親喪。哀莫哀兮失怙。浮雲慘淡兮。天日無光。風木淒涼兮。松楸如訴。緬懷鞠育。我罪伊何。瞻仰昊天。曷其有極。爰陳庶物。于豆于登。乞鑒微忱。來歆來格。尚饗。

祀土祝文

維年月日。主祭官某姓某名。謹以牲牷酒醴之祭。敢昭告於

后土尊神之座前曰。惟神坤德。厚載無疆。鍾靈毓秀。山高水長。聿有某公。卜葬是鄉。觀其流泉。相其陰陽。某山我我。某水湯湯。乃安窆室。終焉久藏。更乞神庥。呵禁不祥。虎豹遠跡。蛟龍遁藏。千秋萬歲。永世克昌。謹祝。

奉主入祠告祖文

維年月日。幾世孫某名謹以牲醴粢盛之奠。敢告於

列祖之前曰左昭右穆每切水源木本之思 祖德宗功常動優見愾聞之感宏維我

祖鴻猷啟後燕翼貽謀詩書之遺澤孔長忠厚之家聲自遠誦先芬於勿替喜廟貌之常新茲我先考某某公幼重彝倫長敦道義律身不苟洵名教之完人篤行無虧承

前光之休烈我先妣某氏孺人七誠無忝四德兼全淑慎柔嘉式協中閨之禮溫良恭儉久彰內則之風如有隨同入祠者則接以入第幾世某某公配某氏孺人云云理合奉主入祠一體祔食所願尊彝俎豆明祀雪於千秋來昆雲仍衍本支於百世謹登庶牘用告

先靈尚饗

入祠祭門神文

維年月日信士某姓某名謹以牲醴之獻昭告於

神荼鬱壘之神曰維爾

大神實司啟閉五祀之一禮詳秋祭赫赫

神靈炯炯

神眸呵禁不祥延致嘉休於穆宗廟先祖是皇千秋萬禩禱祀蒸嘗茲我考妣奉安粟主春秋享祀祔於列祖謹執辦香乞神默佑惠我無疆光前裕後敢告

祭政界文

維年月日某某等謹以清酌庶羞之奠致祭於

某某公之靈曰嗚呼羊公長逝現山留墮淚之碑子產云亡鄭國報耕夫之耒蓋善政之所及者廣而仁聲之入人也深何堪木壞山頽一朝棄世有不風淒日暗四野興悲者乎維我

某公世之璫璣民之父母鴻聲馳播早遐邇之咸欽鵬翮高舉搏扶搖而直上大才擘畫保惠庶民偉烈撫循悒悒廣庇敷一天之膏雨揚萬里之仁風德如大地春生惟覺煦寒而送暖心似中天秋月何妨露冕而褰帷海沂之康人感王祥之化枳棘之伐民歌岑熙之功方共瞻生佛於萬家二天有戴詎意隕福星於五夜一曜頓沈嗚呼懋績長留遺型尚在子敬之人琴俱杳富公之甲馬有聲官柳參差撫太尉親栽之樹甘棠蔽芾留召公芟舍之陰某某等悵望素幃愁聽隣笛

如係人民及僚屬祭上官可改為仁

守久休德雲忽失

莫再窺乎東閣空慟哭乎西州長江逝遠水之波悵李鯨之仙去華表繞

寒雲之色盼丁鶴之歸來敢將一觴敬伸三獻嗚呼哀哉尚饗

祭政界父文

起處同上

嗚呼我我泰山忽焉其頽陰陰喬木忽焉其摧老成凋謝逝波不回惟我先生生榮死哀寶殿靈光耆年碩德言為世法行為世則實桂勤培王槐手植有慶于家有光于國超度有鯉教之詩禮移孝作忠學優則仕龔黃政績實承嚴旨為民父母樂只君子祿養之勤板輿之迎芝蘭挺秀顯親揚名高堂頤養安富尊榮多福多壽孰與之京秦榆景晚杖履優游鐘山夜泊蘇仙扁舟老子清興庾亮樓頭方祝大椿八千春秋南極一星倏焉隕落龍蛇藏山瓊瑰夢惡傳相騎箕丁公化鶴遺範猶存音容已邈嗚呼哀哉後生小子愚蒙下士而今而後于何仰止輓歌淒涼薤露蒿里動地悲聲共揮泗涕愛日無光浮雲冥冥羣魚風木悲不忍聽酒醴既備黍稷惟馨靈其鑒茲來格來歆嗚呼哀哉尚饗

祭政界母文

維年月日

云云同上

致祭於

某母某太夫人之靈曰嗚呼瓊樓月缺塵埋寶婺之光閭闔雲寒彩失祥鸞之影女

宗凋謝誰傳林下之風。壹範云亡孰嗣閨中之秀。阮嗣宗萱幃早逝曾深裴楷之悲。郭有道親喪甫臨致慟南州之奠莫不載在遺籍事以人傳形諸誄詞文因行重維我

某太夫人。生而婉婉。幼即端莊。溫恭出自生成。笑言不苟。淑慎由於天授。禮度無極。其歸我某某先生也。雞鳴戒旦。羣高德曜之風。鴻案相莊。直婉少君之德。蘋繁不置。克盡內則以無虧。甘旨常供。曲全婦道而無忤。故早歲即聞懿範。而通里咸仰芳型。迨夫張燕投懷。荀龍誕秀。珠生合浦。擊來照乘之光。鸞產女牀。爭看驚奇之彩。脫簪歎客。居恒既善乎相夫。坐薦留賓。義方更勤於課子。而鳳毛濟美。攻苦不俟。凡熊麟趾呈祥。勵志無煩。畫荻美郎君之早貴。喜季子之多金。人驚稽古之榮。共仰政聲卓著。世卜流光之應。方知母訓維嚴。乃

太夫人則安不忘勞。貴而愈儉。榮膺翟氏。不尚紛華。製得裙笄。仍安寒素。錦雖溫而必却。用全令子之廉。鮒雖旨而常封。益勵蓋臣之節。士庶聞而頌美。知醴泉本於故源。公卿聽而服膺。識黼黻由於機軸。况復鳳麟鵲起。蘭桂叢生。世仰德門。人稱壽母。何意瑤華不御。忽嗟閨範之空存。斯佩無聲。共歎母儀之不再。某等見桓孟之忽終。傷心夜雨。哭郝鍾之頓隕。淚灑靈萱。嗚呼。總帳空懸。徒進災難之奠。雲軒來格。庶鑒

絮酒之忱尚饗

祭政界妻文

維年月日某某等謹以清酌庶羞之奠致祭於

某夫人之靈曰嗚呼寄寓塵寰悵春婆之夢短遽傷嘉偶驚少女之風高月方耀於纖阿星忽沉於織室此鯨魚所以有常開之目彩鳳所以有分摩之釵而况德重金閨受公宮之四教聲留彤管歌靜女之三章者乎

夫人高門淑質華胄名媛婉孌蘊其容莊殊表其度既懷大而抱質亦習禮而明詩標梅歌迨吉之詩冰猶未泮標李詠于歸之什年正及笄乘几無違施槃有訓內嫻七誠外副六珈鴻案相莊無忝如賓之敬雞鳴戒旦實資內助之賢乾有坤承喜鳳鏘之叶吉妻以夫貴欣翟裼之增榮張京兆之畫眉應憶公餘韻事東方朔之割肉每聞宴罷歸遺方以謂雙棲不死之牀永卧同功之兩矣何圖疾風吹灶竟占主婦之災青鳥傳書遽連上元之駕桃葉插首齊俗先驚白奈簪花吳娘共弔遂令潘岳悼亡荀君無語金箱宵掩成君之衣補何時象笏朝回方領之繡痕宛在宜乎莊盆乍鼓猶迴木石之腸張白鸞炊莫制瓊瑰之淚然而壽者有定之數名者無盡之稱福者卽里之榮德者竹素之耀花釵九樹原非桓孟之光青史千年裁是姬姜之壽

玉棺易隆。金簡難湮。某等夙仰壹儀。追思懿德。恨雲輅之不返。望仙馭于何方。月黯璇闥。風淒薜屋。九歌楚些。敢學招魂。一束生芻。庶幾鑒格。尚饗。

祭軍界文

起處與政界同

嗚呼。耿耿光芒。天星所以高上將。巍巍鐘鼎。國家所以重勲官。壯正氣於山河。貫靈光於日月。雲連玉塞。方羣瞻驃騎之營。霜冷瑯弓。竟盼斷將軍之樹。失九河之砥柱。固宜七萃騰哀。壞萬里之長城。不僅三軍垂淚已也。維我

某公生而穎異。長更聰強。恥絳灌之無文。羨甘陳之學武。華嶽削成於面目。雷精感應於胎生。受五運之金多。太阿立斷。得九秋之氣勁。止水無波。凡卻穀詩書。軒轅營陣。袁公劍術。呂尚陰符。莫不心領玄關。手嫻道器。迨夫風高翼展。水大鱗舒。布陣則為鸛為鵠。壁壘煥旌旗之色。練兵則如荼如火。畫彩揚干櫓之威。夫子桓桓。十萬之貔貅坐擁。戎容疊疊。四郊之鷄犬不驚。運籌悉合。手機宜。號令自徵。其嚴肅。營空海霧。條風與碧漢同清。機掃妖星。夜月映澄江並朗。金城永固。鐵牡常關。正仰屏垣。久安磐石。乃大星墮地。慟諸葛之云亡。而赤彗穿營。悲令公之遽逝。烏笳哀怨。四野同聲。虎帳威儀。一朝頓歇。叔子之碑。屹立霜淒。猿鶴之鳴。庾亮之樹。長埋雨泣。熊羆之士。嗚呼。遺徽未泯。懋績長傳。父老懷恩。猶憶襁褓。惟行部。史臣載筆。定知竹帛留芳。

是則朽者其形。不朽者其德。逝者其魄。不逝者其名也。某某等久欽偉畧。同沐清風。過細柳之軍營。尚思刁斗。望召南之爰舍。敢折甘棠。方期式像於凌烟。宜料招魂於此日。雍容裘帶。涉想猶存。叱咤風雲。音塵不再。謹以牲牢之奠。聊申蒿薤之思。玄酒非馨。丹誠可鑒。所冀弓刀自動。卽為來享之徵。更期旌蓋如生。永護太平之象。尚饗。

祭軍界父丈

起處同上

嗚呼。謝蘭毓秀兮。實桂騰芳。固人間之騏驎兮。實國家之棟梁。義德門之垂裕兮。洵積善之餘慶。大椿之壽八千兮。宜逢吉而康強。何老成之凋謝兮。遽騎箕尾以徜徉。三軍潛其雨泣兮。奈堪子舍之哀傷。維我

公之秉德兮。既玉質而金相。黃徵君之器度兮。波千頃而汪汪。韓昌黎如泰山北斗兮。爭引領而相望。喜趨庭之有鯉兮。實麟趾之呈祥。雛鳳之聲清於老鳳兮。晨鳴賀世而夕鳴歸昌。具虎頭燕領之英姿兮。巍巍乎七尺之昂藏。班定遠封侯有志兮。從事於大戰與長槍。擁貔貅而驅熊羆兮。繫大局於苞桑。峙長城之萬里兮。奠鞏固之金湯。凡偉畫之措施兮。悉承嚴命於高堂。方期芝田之三秀兮。椿庭之愛日舒長。詎老人星之遽隕兮。黯極耀其無光。觀旌旗之慘淡兮。聽刁斗之淒涼。愁雲如幕兮。月

白如霜。遺範猶存兮。耆碩云亡。高山安仰兮。意緒徬徨。爰陳庶物兮。桂酒椒漿。蘼露
悲歌兮。敬酌一觴。靈其來格兮。鑒此馨香。尚饗。

祭軍界母文

起處與祭政界母同

嗚呼。悼母儀兮。不見。奠壺德兮。猶存。佩四箴兮。班惠嗣。七誡兮。馬倫。奎為儀兮。婉
婉。玉比度兮。恭溫。鳳鏘鏘兮。叶吉。桃灼灼兮。來嬪。琴瑟張兮。在御。簾櫳靜兮。無塵。勤
家事兮。升白。虔祭祀兮。藝蘋。河流沛兮。族黨。春風和兮。鄉隣。引推解兮。恤下。羞酒醴
兮。留賓。問飛熊兮。太卜。祀玄鳥兮。靈神。占吉夢兮。玉燕。降祥雲兮。石麟。戒常視兮。無
誑。教畫荻兮。辛勤。賴母氏兮。聖善。有令子兮。起羣。投毛錐兮。定遠。請長纓兮。終軍。鳳
毛蔚兮。濟美。鵬翼振兮。鸞雲。整戎容兮。暨暨。奠禹甸兮。昀昀。號大樹兮。績著。軍細柳
兮。營屯。漢衛霍兮。名將。唐郭李兮。元勳。節旄擁兮。威肅。壁壘煥兮。色新。迎板輿兮。祿
養。承色笑兮。寢門。鳩杖扶兮。節竹。象服宜兮。繡紵。樹騰芬兮。寶桂。草忘憂兮。金萱。忽
寢疾兮。怵憐。遂彌留兮。吟呻。冰輪墜兮。彩散。寶瑟沉兮。光淪。嗟音容兮。永訣。捧柩捲
兮。空輿。素旗指兮。飄忽。靈輶升兮。逡巡。望荒郊兮。一片。眺平原兮。無垠。馳車馬兮。會
葵。裏裡祀兮。駭弄。奠生芻兮。一束。把椒酒兮。盈尊。聽薤歌兮。淒惻。學楚些兮。招魂。尚
饗。